

Тосхлтин материал элвджәхмн

Элст балгъсна тосхлтиг хурдар болн сәәнәр кедж кӯцәхин тӧләд железобетон полигон тосхгдджана. Эн полигон джилдән 5 минъгън кубометр железобетон тосхлтин материал кех зӧвта, силикальцитн цех — 4 минъгън кубометр известь, цемент нань чигн материалмуд гаргъхмн.

Ода деерән элс цемент хойр зуурдг узел кегдв. Эн узел зуурчкскн элсн-цементәр Элстин тосхлтсин чолугъар, кирпичәр кегдджәх герин эрс, герин девснъ, бешмӯд шалдхиг тетгджәнә.

Эн тосхлтд 40 кӯн кӧдлджәнә. Эдн дунд элс-цемент зуу-

рлгънд Коктенко толгъачта кӯуқд улсин бригад кӧдлджәнә. Эн бригад шунмгъа кевәр кӧдләд, зуурчкскн элс-цемент зӧӧдг машиниг нег агчмд чигн хара зогсал уга, теруғәр тетгнә.

— Болв иим чинртә шин кӧдлмшт электроэнерг цаглань эсӧгдг учрар усар тетглгън зәрмдән хашнъ болна, — гидж ах мастер Бадинов К. келнә. = =

Элдв ик тосхлтд кергтә материалмуд цаглань ӧгдг болгъхин тӧлә эн кӧдлмшт оньган ӧгч, железобетонн полигон тосхлгъиг хурдар кедж дуусх мана эрки керг.

ДЕРСАНГ.